



Headline: RM129,000 lesap ditipu 'ASP Roslin'
Publication/Portal: Utusan Malaysia
Date: 27 September 2019

Language: Malay
Section: Dalam Negeri
Page: 43

RM129,000 lesap ditipu 'ASP Roslin'

KUANTAN 26 Sept. - Taktik sindiket *Macau Scam* menyamar sebagai anggota polis dan mendakwa kononnya mahkamah akan memulangkan wang dibayar berjaya memperdaya seorang lelaki di Mentakab, Temerloh dekat sini yang mengakibatkan dia kerugian RM129,000.

Ketua Jabatan Siasatan Jenayah Komersial negeri, Superintenden Mohd. Wazir Mohd. Yusof berkata, pada 23 Ogos lalu, mangsa berusia 59 tahun dan bekerja sendiri menerima panggilan telefon daripada individu yang memperkenalkan dirinya sebagai seorang pegawai di sebuah bank di Negeri Sembilan.

Katanya, 'pegawai bank' itu mendakwa mangsa ada permohonan pinjaman peribadi dan menyarankan membuat laporan polis bagi tujuan menafikan perkara tersebut.

"Kemudian, panggilan itu disambungkan kepada seorang 'anggota polis' yang memperkenalkan dirinya sebagai Asisten Superintenden Roslin (ASP Roslin) dan menyatakan mangsa terlibat dengan pengubahan wang haram.

"Roslin memaklumkan juru-audit mahkamah mengarahkan mangsa supaya memasukkan wang berjumlah RM9,000 ke akaun bank yang diberikan bagi menyelesaikan kes itu dan mangsa berbuat demikian di sebuah bank Mentakab," katanya kepada *Utusan Malaysia* di sini hari ini.